

Izjava OHR-a na konferenciji za medije međunarodnih organizacija

Sastanak Političkih direktora Upravnog odbora Vijeća za implementaciju mira

Sastanak Političkih direktora Upravnog odbora Vijeća za implementaciju mira, pod predsjedavanjem visokog predstavnika, počeo je jutros u 9 sati. Na vrhu dnevnog reda je pregled napretka postignutog u reformama sektora odbrane, obavještajnih službi i indirektnog oporezivanja a razgovarat će se i o aktuelnim naporima na rješavanju statusa grada Mostara.

Na današnjem sastanku predsjedavajući Vijeća ministara Adnan Terzić će dati kratak izvještaj o napretku koji su bh. vlasti postigle u pokretanju sveobuhvatne reforme javne uprave, s ciljem smanjenja birokratskog aparata, poboljšanja usluga za građane te konačnog sprečavanja gubitka stotina miliona KM svake godine. Generalni sekretar Stalnog komiteta za vojna pitanja Enes Bećirbašić će zajedno sa premijerom Terzićem izvijestiti Vijeće za implementaciju mira o radu na uspostavi državnog Ministarstva odbrane te uspostavi jasne komande i kontrole oružanih snaga na državnom nivou. Ministar vanjskih poslova Mladen Ivanić i premijer Terzić zajedno će podnijeti izvještaj o planovima bh. vlasti za brzo provođenje reformi koje je potrebno implementirati prije početka pregovora o procesu Stabilizacije i pridruživanja sa Evropskom unijom, te kako bi BiH mogla postati član Partnerstva za mir.

Jučerasnji sastanak eksperata koje je imenovalo Vijeće za implementaciju mira, predstavnika međunarodnih finansijskih institucija i humanitarnih organizacija, organa BiH i OHR bio je vrlo uspješan. Bh. vlastima i međunarodnoj zajednici data

je šansa da se usmjere prema ključnim ekonomskim zadacima, te osigurava da je implementacija odgovarajuće koordinirana i da je to urađeno na vrijeme.